

大明會典

大明會典卷之八十四

禮部四十二

郊祀四

祈穀

今正

嘉靖十年定

一前期五日。

上詣犧牲所視牲。先一日告

廟及還參拜。俱如

大祀之儀。告辭曰。明日恭視

祈穀牲儀。參辭曰。恭視

祈穀牲儀。回還。次日以後

命大臣輪視如常儀

一前期四日太常寺奏祭祀。

諭百官致齋三日。

上親填告請

太祖祝版于

文華殿

一前期三日。

上詣

太廟請

太祖配

神以脯醢酒果行再拜一獻禮祝文曰

維嘉靖 年歲次 月 朔 日

孝玄孫嗣皇帝御名敢昭告于

皇祖太祖高皇帝曰茲以今月 日啓蟄之辰恭祀  
上帝于

園丘為民祈穀謹請

皇祖侑

神伏惟

鑒知謹告

一前期二日太常卿同光祿卿奏省牲如常儀

一前期一日。

上親填祝版于

文華殿。遂告于

廟。告辭曰

孝玄孫嗣皇帝御名明日祇詣

南郊行

祈穀禮。謹詣

祖宗列聖帝后神位前恭預告

知。夜二鼓。禮部尚書上香侍郎導引太常卿捧請  
神版奉安于壇位。俱如

天祀之儀

一陳設

上帝位

犢一

玉用蒼璧一

帛一青色

登一

簠簋各二

籩十二

豆十二

蒼玉爵三

酒尊三

篚一

祝案一

配帝位

同惟不用玉

一正祭是日

上常服乘輿至

昭亨門右。

上降輿導引官導

上至大次具祭服出由左門入至陞上行祭禮如

大祀之儀。惟不燔柴

上還至

廟參拜致辭曰

孝玄孫嗣皇帝御名祗詣

南郊祈穀禮成躬詣

祖宗列聖帝后神位前謹用

參拜畢。

還宮

一祝文

維嘉靖 年 月 日

嗣天子臣御名祇奏于

皇天上帝。曰。候維啓蟄農事將舉。爰以茲辰。敬祈

洪造。謹率臣僚。以玉帛犧齊粢盛庶品。備斯明潔。恭

祀

上帝于

園丘。仰希

垂鑒。錫福烝民。俾五穀以皆登。普萬方之咸賴。奉



太祖聖神文武欽明啓運俊德成功統天大孝高皇

帝侑

神尚

享

一樂章

迎

帝神

中和之曲

臣惟

穹昊兮民物之初。爲民請命。子祀禮昭諸備。筵率職

兮祈

洪庥臣衷微眇兮惓懇誠摠遙瞻

駕降兮霽色輝歡迎鼓舞兮迓

龍輿。臣愧菲才兮后斯民願福斯民兮

聖恩渠

奠玉帛

肅和之曲

烝民勤職兮農事顯蠶工亦慎兮固桑阡玉帛  
祗奉兮暨豆籩仰祈

大化兮錫以豐年

進俎

咸和之曲

鼎烹兮氣馨香饔餼兮旨醑。

帝垂享兮以歆。烝民蒙

福兮以寧。

初獻

壽和之曲

禮嚴兮初獻行。百職趨跄兮佩琚鳴。臣謹進兮

玉觥。

帝心歆鑒兮歲豐亨。

亞獻

景和之曲

二觴舉兮致虔。清醴載斟兮奉

前仰。

音容兮忻穆。臣感

聖恩實拳拳

終獻 永和之曲

三獻兮一誠微。禋禮告成兮

帝鑒是依。烝民沐

德兮歲豐穰。臣拜首兮竭誠祈

徹饌 永和之曲

三獻週兮肅乃儀。俎豆敬徹兮弗敢遲。願

留福兮丕而。曰雨曰暘兮若時

送

帝神 永和之曲

祀禮告備兮

帝鑒彰。臣情上達兮感

昊蒼。雲程肅駕兮返

帝鄉。臣荷

恩眷兮何以忘。祥風瑞靄兮彌壇壝。烝民率土兮悉

獲豐康

望燎太和之曲

遙覩兮

天衢長。邈彼寥廓兮去



上方。東帛薦火兮希昇

聞。惓惓已通兮。

沛澤長。樂終九奏兮。神人以和。臣同率土兮。咸荷  
恩光。

# 祈穀陳設圖

正位南



太尊

清尊

犧尊






	豆		簋
脾	芹	芹	稻
豚	先	醢	粱
鮑	笋	菁	
稷	魚	蔬	



# 配位西向



茶	鹽酒	邊標	餅肉
棧	魚蛋	羹	餅黑
	果	笑	餅粉
	果	脯乾	餅粉

 料外  
 料外  
 料外





新	豆	種	稻
脂	油	種	果
脂	油	種	
食	油	種	
食	油	種	

大享

今羅

嘉靖十七年定

一前期五日。

上詣犧牲所視牲。其先一日。

上告于

廟及還參拜。俱如

大祀之儀。告辭參辭。改稱

大祀曰

大享。餘並同。次日以後

命大臣輪視如常儀

一前期四日。太常寺奏祭祀如常儀。  
諭百官致齋三日。

一前期三日。

上詣

太廟寢殿告請

睿宗配

帝。以脯醢酒果行再拜一獻禮。祝文曰

維嘉靖 年 月 日

孝子皇帝御名敢昭告于

皇考睿宗獻皇帝。曰。茲以今月 日恭行

大享禮于

大享殿。謹請

皇考配

帝侑

神。伏惟

鑒知。謹告

一前期二日。太常卿光祿卿奏省牲如常儀

一前期一日。

上親填祝版于

文華殿。夜二鼓。禮部同太常堂上官請安

神御版位俱如祈穀之儀

一陳設

上帝位

犢一

玉用蒼璧一

帛十二

青色

登一

簠簋各二

籩十二

豆十二

玉爵三

酒尊三

簠一

祝案一

配帝位

同惟不用玉

一正祭

與祈穀同

一祝文

維嘉靖 年 月 日

嗣天子臣御名恭奏享于

皇天上帝。曰。時當季秋。咸成農事。羣生蒙利。黎兆允  
安。邦家是賴。

帝德敷天。臣統臣工。宜為酬

享。謹用玉幣犧牷。祇謝

生成大福。備此禋燎。奉

皇考睿宗。知天守道。洪德淵仁。寬穆純聖。恭儉敬文。

獻皇帝配

帝侑歆尚

享

一樂章

迎

帝神

中和之曲

於皇穆清兮。弘覆惟仁。既成萬寶兮。惠此烝民。  
祇受厥明兮。欲報無因。爰稽古昔兮。式展明禋。  
肅肅廣庭兮。遙遙紫旻。笙鏞始奏兮。祥風導雲。  
臣拜稽首兮。中心孔懃。爰瞻寶輦兮。森羅萬神。庶幾昭格兮。

眷命其申。徘徊顧歆兮。鑒我恭寅。



奠玉帛

蕭和之曲

捧珪幣兮瑤堂穆將愉兮

聖皇秉予心兮純一荷

帝德兮溥將

進俎

凝和之曲

歲功阜兮庶類成黍稷醑兮濡鼎饗敬薦之兮  
慙菲輕大禮不煩兮惟一誠

初獻

壽和之曲

金風動兮玉宇澄初獻觴兮交

聖靈瞻

玄造兮懷鴻禎。曷以酬之心忼忼。

亞獻

豫和之曲

帝眷我兮居歆。紛繁會兮五音。再奉觴兮莫殫臣心。  
惟

帝欣懌兮生民是任

終獻

熙和之曲

綏萬邦兮屢豐年。眇眇予躬兮實荷

昊天。酒三獻兮心益虔。

帝命參與兮勿遽旋

徹饌

雍和之曲

祀禮既洽兮。神人肅雍。享

帝享

親兮。勉竭臣衷。惟

洪恩兮罔極。儼連蜷兮

聖容

送

帝神

清和之曲

九韶既成兮。金玉鏗鏘。百辟森立兮。威羽斯藏。  
皇天在上兮。

昭考在傍。嚴父配天兮。祗修熙常。殷薦既終兮。

神去無方。玄雲上昇。鸞鵠參翔。靈光回照。郁乎  
芬芳。載慕載瞻。願錫亨昌。子孫黎民。維  
帝是將。於昭

明德。永懷不忘。


望燎


時和之曲

龍輿杳杳。歸上方。金風應律。燎斯揚。達精誠。合靈光。

帝庭納兮。玉幣將。顧下土兮。眷不忘。願錫吾民兮。長  
阜康

大享殿圖





會典卷八十四

十五



國家凡遇水旱災傷及非常變異或  
躬禱或露告于

官中于

奉天殿陛或遣官祭告

郊

廟

陵寢及

社稷

山川無常儀嘉靖八年春祈雨冬祈雪皆

御製祝文躬詣

南郊祠

皇天

后土。遂躬祠

山川

神祇于

山川壇。次日祠

社稷壇。冠服淺色。鹵簿不設。祀道不除。皆不設配。不

奏樂。後建

崇寧壇。始定雩祀之儀。十七年。躬禱雨于



崇雩壇青服用一牛以熟薦具禮樂與雩祀同亦不設配萬曆十三年。

上親禱

郊壇却輦步行有步禱儀詳具于後

嘉靖十一年定雩祀儀

歲旱則於季春之末禮部奏請行禮

一前期四日太常寺奏祭祀如常儀

諭百官致齋三日

一前期二日太常卿同光祿卿奏省牲如常儀

次日復

命

一前期一日。

上親填祝版于

文華殿。遂告于

廟。如祈穀之儀。

一陳設

與祈穀同

一正祭。是日

上乘輿至

昭亨門西。降輿。過門東。乘輿至

崇雩壇門西。降輿。導引官導

上至帷幕內。具祭服出。導引官導至壇門內。內贊導

引官導

上至拜位行禮如祈穀之儀禮畢。

上至帷幕內易服。

駕還詣

廟參拜回宮

一祝文

臨時撰用

一樂章

迎

帝神

中和之曲

於穆

上帝爰處

瑤宮咨爾黎庶。覆憫曷窮。旂幢戾止。委蛇雲龍。霖澤斯溥。萬寶有終。

奠帛

肅和之曲

神之格思。奠茲文繡。盛樂斯舉。香氣氤氲。精禋孔燦。徹于

紫冥。懇祈膏澤。渥我嘉生。

進俎

咸和之曲

百川委潤。名山出雲。愆暘孔熾。膏澤斯屯。祈年於

天載牲于俎。神之格思。報以甘雨。

初獻 壽和之曲

有嚴崇祀。日吉辰良。酌彼壘洗。椒馨苾香。

玄功溥濟。時雨時暘。惟

神是聽。綏以多穰。

亞獻 景和之曲

皇皇禋祀。孔惠孔明。瞻仰來歆。拜首欽承。有醴  
維醺。有酒維清。雲韶侑獻。肅雝和鳴。

聖靈有赫。鑒享精誠。

終獻 永和之曲

靈承無數。駿奔有容。嘉玉以陳。酌鬯以供。禮三  
再稱。誠一以從。備物致志。申薦彌恭。

神昭景貺。佑我耕農。

徹饌

疑和之曲

有赫旱暵。民勞瘁斯。于牲于醴。載舞載詩。禮成  
三獻。敬徹不遲。

神之聽之。爾我公私。

送

帝神

清和之曲

爰迪寅清。昭事

顙穹仰祈甘雨。惠我三農。既歆既格。言歸太空。式受  
下土。萬方其同。

望燎

大和之曲

赤龍旋馭。禮洽樂成。燔燎既舉。昭假精禋。維  
帝降康。雨施雲行。登我黍稌。溥受厥明。

雲門之曲

祭畢。使道童羣歌之。

景龍精兮時見。測鶉緯兮宵懸。肆廣樂兮鏗鉤。  
列皇舞兮蹕躡。祈方社兮不莫。薦圭璧兮孔虔。  
需密雲兮六漠。霈甘澍兮九玄。慰我農兮既渥。  
錫明昭兮有年。

萬曆十三年步禱儀

一前期一日。

上具青服。以躬詣

南郊祈禱。預告于

奉先殿。行禮如常儀。

一前期一日。太常寺進祝版。

上親填御名訖。太常寺博士捧出安輿亭內。擡至

南郊神庫奉安。

一太常寺預設酒果脯醢香帛于

圜丘。牛一。熟薦設。



上拜位于壇壝正中

一錦衣衛設隨朝駕不除道

一正祭。是日免朝。昧爽。

上具青服御皇極門。太常寺官跪奏請

聖駕詣

園丘。

上起步行。護駕侍衛并導駕侍班翰林科道等官如

常儀。百官各青衣角帶恭候於

大明門外。

內閣禮部太常寺近前。其餘文東武西各照常朝

班行序立。

駕至。魚貫前導。卑者在前。崇者在後。緣道兩旁。離御路稍遠。文武兩班就中。又各自爲對。至昭亨門。照前序立候。

駕監禮御史等官如常儀。鴻臚寺仍委序班十餘員整肅班行。不許誼譁越次。

一  
駕至昭亨門。導引官導。

上至左樞星門外。幕次少憩。禮部尚書侍郎太常寺卿少卿跪奏諸壇位。內贊對引官導。

上行典儀唱執事官各司其事內贊奏就位。

上至拜位典儀唱迎神內贊奏陞壇導。

上至香案前奏跪奏上香。

上三上香訖奏復位奏四拜傳贊百官同典儀唱奠帛行

初獻禮內贊奏陞壇導。

上至

神御前奏獻帛訖奏獻爵訖奏詣讀祝位奏跪傳贊百官同

皆跪贊讀祝訖奏俯伏興平身傳贊百官同奏復位典

儀唱行亞獻禮內贊奏陞壇導。

上至

神御前奏獻爵訖。奏復位。典儀唱行終獻禮。與

儀唱送神。內贊奏四拜。贊百典儀唱讀祝官

捧祝進帛。官捧帛各詣燎位。內贊奏禮畢。導引


官導


上出至幕次少憩。

上還仍詣

奉先殿參謁如常儀

崇寧壇圖





食真卷八十四

二十三

嘉靖初沿

先朝舊儀。每日於宮中行拜。

天禮。後以為瀆。罷之。遇正旦冬至。

萬壽聖節。於

奉天殿

今皇極殿

丹陛上行禮。既定。

郊祀。遂罷冬至之拜。惟正旦。

萬壽聖節。行禮於

玄極寶殿。隆慶元年罷。仍于

皇極殿丹陛上行禮。

嘉靖中定

玄極寶殿拜天儀

今罷

前期一日太常寺博士捧祝版于

文華殿或精一堂或臨時于

玄極門內候

上親填御名太常寺辦祭品。晡時同供事官入殿內

陳設。夜二鼓太常寺官入候行禮。三鼓初。

上具服乘輿至

凌霄門外降輿入門內太常寺卿跪奏

神御位奉安訖導引官導



上至

玄極門內。由集真門入。至左陛。內贊對引官導。

上由左門入。就位。典儀唱迎。

帝神內贊導。

上由中陛登臺。至香案前。上香。復位。四拜。典儀唱奠。

帛。行初獻禮。內贊導至。

御案前。獻帛。獻爵。詣讀祝位。讀祝。行亞獻。終獻禮。典。

儀唱送。

帝神。奏四拜。奏詣望燎位。禮畢。

上回宮。

祝文

元旦

維年 月 日

嗣天子臣御名敢昭奏于

皇天上帝。曰。適維斯辰。節當元旦。歲時所重。爰奉典

常。祇對

皇穹。仰瞻拜

祀。祈無

洪造。大賜亨豐。臣無任瞻奉之至。謹奏

萬壽聖節

維年月日

嗣天子臣御名謹昭奏于

皇天上帝。曰。臣以昧愚微資。上叨

帝心簡在。報稱無由。稔諸愆戾。今日臣生之辰。祇申

叩拜。仰祈我

天慈

俯垂賜鑒。伏望

降歆。益大

生生之仁。均囿民物于康和福壽之域。臣下情不勝

瞻對之至。謹奏

大明會典卷之八十四

大明會典卷之八十五

禮部四十三

社稷

太社稷

國初以春秋仲月上戊日祭

太社

太稷異壇同壇。

太社以后土勾龍氏配。

太稷以后稷氏配。每獻禮先詣

太社及配位壇獻畢。次詣

太稷及配位壇。臨祭遇風雨則于

齋宮望祭。洪武三年。於壇北建

享殿。又北建拜殿。各五間。以備風雨行禮。十年。改建社稷壇于

午門外之右。先是社主用石。高五尺。闊二尺。上微容。立於社壇半埋土中。近南向北。稷不用主。至是埋石主於社稷壇之正中。微露其尖。仍用水為神爵。而丹漆之。祭則設于壇上。祭畢貯庫。壇設

太社神牌居裏。

太稷神牌居西。俱北向。奉

仁祖神牌配神。西向。而罷勾龍后稷配。自奠帛至終獻。皆同時行禮。洪武三十一年。更奉

太祖配神。永樂中。北京

社稷壇成。位置陳設。悉如南京舊制。洪熙後。奉

太宗同配。嘉靖九年。遵初制。

太社仍以后土勾龍氏配。

太稷仍以后稷氏配。

洪武二十六年。初定儀

一齋戒 典祭 太廟同

一告廟。正祭前二日。用祝文酒果于

奉先殿告請

仁祖配

社稷 祝文與 太祀同

一省牲 典 太廟 同牛二。羊三。豕三。鹿一。兔二。

一陳設

太社 在東北角

犢一 羊一 豕一 登一

鉶二 邊豆各十二 簋簠各二

帛一 黑色 王用兩圭有邸

太稷 在西北角



陳設同

仁祖配位

在東西向

陳設同

無玉

共設酒尊三爵九。篚三。于壇西北。東向。祝文

案一

一正祭。典儀唱樂舞生就位。執事官各司其事。

導引官導引

皇帝至御拜位。內贊奏就位。典儀唱瘞毛血。迎

神。奏樂。樂止。內贊奏四拜。

百官同

典儀唱奠玉帛。行初

獻禮。奏樂。執事官各捧玉帛爵獻于

神位前。讀祝官取祝跪于

神位左。內贊奏跪。典儀唱讀祝。讀訖。進于

太社神位前。內贊奏俯伏。興。平身。百官同樂止。典儀唱

行亞獻禮。奏樂。執事官各捧爵獻于

神位前。樂止。典儀唱行終獻禮。儀同亞獻太常卿進立于

壇西東向。唱賜福胙。光祿司官捧福胙自

神位前。由正門左出。至

皇帝前。內贊奏跪。奏搢圭。光祿司官以福酒跪進。內

贊奏飲福酒。光祿司官以胙跪進。內贊奏受胙。

出圭。俯伏興。平身。內贊奏四拜。百官同典儀唱徹

饌奏樂執事官各詣

神位前徹饌樂止典儀唱送神奏樂內贊奏四拜百官

同樂止典儀唱讀祝官捧祝進帛官捧帛掌祭

官捧饌各詣瘞位奏樂內贊奏禮畢

一祝文

維洪武 年 月 日

皇帝御名敢昭告于

太社之神。

太稷之神。惟

神贊輔

皇祇發生嘉穀粒我烝民萬世永賴時當仲春禮嚴

告祀謹以玉帛牲齊粢盛庶品備茲瘞祭以

皇考仁祖淳皇帝配

神尚

享

一樂章

迎神 廣和之曲

予惟土穀兮造化功。為民立命兮當報崇。民歌  
且舞兮朝雍雍。備筵率職兮候迓迎。想

來兮祥風生。欽當稽首兮

告年豐

初獻

新和之曲

氤氲氣合兮物遂蒙。民之立命兮。荷陰功。予將  
玉帛兮獻微衷。初斟醴薦兮民福洪。

亞獻

豫和之曲

予今樂舞兮再捧觴。願

神昭格兮軍民康。思必穆穆兮靈洋洋。感厚恩兮拜  
祥光。

終獻

熙和之曲

干羽飛旋兮酒三行。香煙繚繞兮雲旌幢。予今  
稽首兮忻且惶。

神顏悅兮霞彩彰

徹饌

雍和之曲

祖陳微禮兮

神喜將琅然絲竹兮樂舞揚願祥普降兮遐邇方烝  
民率土兮盡安康

送神

安和之曲

氤氲氤氲兮祥光張龍車鳳輦兮駕飛揚遙瞻  
稽首兮去何方民福留兮時雨暘

望瘞

時和之曲

捧肴羞兮詣瘞方鳴鑾率舞兮聲鏗鏘思

神納兮民福。昂予今稽首兮謝恩光。

嘉靖九年更定儀

一前期二日。太常寺卿同光祿寺卿

面奏省牲如常儀。

一陳設。

太社居東北向。

太稷居西北向。

后土勾龍氏居東西向。

后稷氏居西東向。陳設並如舊制。惟帛春用告祀。

秋用禮神

一正祭。

上乘輿由西闕門入。至壇北門東降輿。導引官導上由右門入。至具服殿。

上具祭服。導引官導

上由拜殿右門出。典儀唱樂舞生就位。執事官各司其事。

上至御拜位。內贊奏就位。

上就位。典儀唱瘞毛血迎神。樂作。內贊奏陞壇。導上至



太社神前奏跪奏搢圭奏上香司香官捧香跪于  
上左。

上三上香內贊奏出圭導

上至

太稷神前

儀同

奏出圭奏復位太常卿上配位香樂止

奏四拜

傳贊百官同

典儀唱奠玉帛行初獻禮樂作

執事官捧玉帛爵于

各神位前跪奠訖樂暫止內贊奏跪

傳贊百官皆跪

典儀唱

讀祝讀祝官跪讀訖樂復作奏俯伏興平身

傳贊

百官

樂止典儀唱行亞獻禮樂作執事者捧爵

于

各神位前跪奠訖樂止典儀唱行終獻禮樂作儀同亞獻

樂止太常卿于壇左東向立唱賜福胙內贊奏跪

上跪奏搢圭光祿卿捧酒跪于

上右內贊奏飲福酒

上飲訖光祿官捧胙跪于

上右內贊奏受胙

上受胙訖奏出圭俯伏興平身奏四拜傳贊百官同典儀

唱徹饌樂作樂止典儀唱送神樂作奏四拜傳贊

百官 樂止。典儀唱讀祝官捧祝掌祭官捧帛饌

各詣瘞位。樂作。捧祝帛饌官過

御前訖。奏禮畢。

上至具服殿易服還宮。

一祝文


稱嗣天子  
后稷氏配


及后土勾龍氏  
神餘並同

一樂章


仍舊


# 大社稷祭祀圖 北向





# 太社稷陳設圖





帝社稷

今罷

嘉靖十年

上命於西苑空閒地開墾為田樹藝五穀建

帝社

帝稷壇壇址高六寸方廣二丈五尺甃以細甃實以  
淨土繚以土垣北為櫺星門高六尺八寸廣五  
尺八寸

神位以木為之各高一尺八寸廣三寸題曰

帝社之神

帝稷之神俱朱漆質金書壇之南置石龕以藏



神位高六尺廣二尺壇之西為祭器庫樂器庫壇之北樹二坊以表之曰

帝社街每歲以仲春秋次戊日。

上躬行

祈報禮如次戊在聖後則以上巳日臨期。

命文武大臣十二員陪拜隆慶元年議罷

一前期四日太常寺奏齋戒

一前期一日太常寺奏省牲

上親填祝版于

文華殿

一陳設

帝社

牛一

羊一

豕一

登一

鉶一

籩豆各八

簠簋各二

帛一

玄色。春用告祀。秋用禮神。

帝稷

陳設同

一正祭。是日辰刻。

上具皮弁服。乘版輿。至齋風亭東降輿。導引官導上至櫺星門內。典儀唱樂舞生就位。執事官各司其

事

上至御拜位。典儀唱迎神。樂作。內贊導

上陞壇。至

帝社。

帝稷香案前各三上香。奏復位。樂止。奏兩拜。

通贊陪  
拜官同

典儀唱奠帛。行初獻禮。樂作。執事者捧帛爵于

各神前奠訖。樂暫止。奏跪。

上跪。

通贊同

內贊贊讀祝。讀訖。樂復作。奏俯伏。興。平身。

通贊同

樂止。典儀唱行亞獻禮。樂作。樂止。唱行終

獻禮。樂作。樂止。唱徹饌。樂作。樂止。唱送神。樂作。

奏兩拜。

通贊同

樂止。典儀唱讀祝官捧祝掌祭官

捧帛饌各詣瘞位。樂作。奏禮畢。

上至幽風亭易服還宮。

一祝文

維嘉靖 年歲次 月 朔 日

嗣天子御名致

告祭于

帝社之神。

帝稷之神。

春云秋云

時當

務農之期

萬寶告成。

庸修恒祀。特茲

告祈報謝

惟

神歆鑒俾

五穀皆登萬方咸

賴尚

永福于民萬世攸

賴尚

享

一樂章

迎神

時和之曲

東風兮

地脉以融。首務萬實以充。忻成

兮稼穡之工。祀

神于此兮苑中。願來格兮慰予衷。

初獻

壽和之曲

神兮臨止。禮薦清醇。菲幣在笥。初獻式遵。神其鑒茲。

享斯藻蘋。我祀伊何。祈報是因。神兮錫祉。財阜

吾民。

亞獻

雍和之曲

二觴再舉。申此慇懃。

神悅兮以納。祥霽兮氤氲。

終獻

寧和之曲

禮終兮酒三行。喜茂實兮稷黍梁。農事待兮豐康。予稽首兮以望。

徹饌

保和之曲

祀事告終。三獻既周。徹之罔遲。惠注田疇。迺以休貺。庇茲有秋。

送神

廣和之曲

望瘞同

耕耨


伊晉告就

力事豆籩。采盛賴之。于此大田。予將


以紀。

神其少延。願留嘉祉。副我潔虔。肅駕兮雲旋。普予兮有年。

帝社稷祭祀圖 北向







帝社


有  
木


主舞樂

位

陪拜

帝社稷陳設圖






豆

簋

簠

豆



神祇

今罷

國初建山川壇於

天地壇之西正殿七間祭

太歲風雲雷雨五嶽五鎮四海四瀆鍾山之神東  
西廡各十五間分祭京畿山川春夏秋冬四季  
月將及都城隍之神壇西南有先農壇東有旗  
纛廟南有藉田洪武二年封京都及天下城隍  
神三年正嶽鎮海瀆城隍諸神號合祀太歲月  
將風雲雷雨嶽鎮海瀆山川城隍旗纛諸神又  
令每歲用驚蟄秋分各後三日遣官祭山川壇

諸神是日。

上皮弁服御奉天殿降香中嚴坐殿上獻官復

命解嚴還宮。七年令春秋仲月上旬擇日祭。未幾以諸神從祀南郊省春祭。十年令中七壇

上親行禮。餘以功臣分祀。永樂中建山川壇位置陳設悉如南京舊制。惟正殿鍾山之右增祀天壽山神。嘉靖八年令以每歲孟春及歲暮特祀太歲月將之神與享。

太廟同日。凡親祀山川等神皆用皮弁服行禮。以別於

郊廟九年更風雲雷雨之序曰雲雨風雷又分雲師雨師風伯雷師以為天神。

嶽鎮海瀆鍾山天壽山京畿并天下名山大川之神以為地祇。每歲仲秋中旬擇吉行報祭禮。同日異時而祭。城隍神于其廟。十年建。

天神

地祇壇於先農壇之南

天神在左南向。

地祇在右北向附

祖陵基運山

皇陵翔聖山。

顯陵純德山神於

地祇壇并號鍾山曰神烈山。十一年令

神祇壇以丑辰未戌三年一親祭。隆慶元年議罷。  
惟

太歲月將特祭於山川壇如初

洪武二十六年初定儀

一齋戒前一日太常司官宿於本司。次日具本  
奏致齋二日。次日進銅人

凡正祭前二日太常司官同禮部官詣城隍廟

發咨

一省牲

與太廟同牛十四後十五。羊十三。後十四。後十五。猪一。雞七。

一陳設

正殿七壇

太歲

犢一

羊一

豕一

登一

鉶二

籩豆各十

簠簋各二

帛一

白色。禮神制帛。

酒盞三十

風雲雷雨

陳設同

帛四

白色。禮神制帛。



五嶽

陳設同

帛五

五色。禮神制帛。各依方位。

五鎮

陳設同

帛五

五色。禮神制帛。

四海

陳設同

帛四

四色。禮神制帛。

四瀆

陳設同

帛四

黑色。禮神制帛。

鍾山

陳設同

帛一

白色。禮神制帛。

井設酒尊三爵七篚古于殿東南西向祝文  
案一于殿外正道西

東廡三壇

京畿山川

犢一

羊一

豕一

豎一

釧二

籩豆各十

簠簋各二

帛一

白色禮神制帛

酒盞三十

夏季月將

陳設同

帛三

白色禮神制帛

冬季月將

陳設同

帛三

白色。禮神制帛。

共設酒尊三爵三篚。于壇南北向。

西廡三壇

春季月將

秋季月將

陳設並同

都城隍

陳設同

帛一

白色。禮神制帛。

共設酒尊三爵三篚。于壇南北向。

一正祭。典儀唱樂舞生就位。執事官各司其事。

導引官導

皇帝至御拜位。內贊奏就位。典儀唱迎神。奏樂。執事官各詣

神位前斟第一層酒。樂止。內贊奏四拜。百官同典儀唱奠帛。行初獻禮。奏樂。執事官各捧帛爵獻于神位前。讀祝官取祝跪于

皇帝左。內贊奏跪。典儀唱讀祝。讀畢置于案上。內贊奏俯伏。興平身。百官同樂止。典儀唱行亞獻禮。奏樂。執事官各詣

神位前斟第二層酒。樂止。典儀唱行終獻禮。奏樂。

執事官各詣

神位前斟第三層酒。樂止。太常司卿立于殿東西向。唱賜福胙。典儀唱飲福受胙。光祿司官搯福胙自

神位前由正門左出至

皇帝前。內贊奏跪。奏搯主。光祿司官以福酒跪進。內贊奏飲福酒。光祿司官以胙跪進。內贊奏受胙。出主俯伏興平身。奏兩拜。百官同典儀唱徹饌。奏樂。執事官各于

神位前徹饌。樂止。典儀唱送神。奏樂。內贊奏四拜。

百官典儀唱讀祝官捧祝掌祭官捧帛饌各詣燎位奏樂內贊奏禮畢

一祝文

維洪武 年 月 日

皇帝御名致祭于

太歲之神。

風雲雷雨之神。

嶽鎮海瀆山川月將城隍之神。惟

神主司民物。參贊

天地化機。發育有功。歷代相承。有秋報之禮。今農事

告成謹以牲帛醴齊粢盛庶品用申報祭尚  
享

一樂章

迎神

吉日良辰。祀典式陳。

太歲尊神。雷雨風雲。京畿山川。城隍之神。濯濯厥  
靈。昭鑒我心。以候以迎。來格來歆。

奠帛

靈旗蒞止。有赫其威。一念潛通。幽明弗違。有帛  
有簋。物薄而微。

神兮安留尚祈享之

初獻

神兮我留有薦必受享祀之初奠茲醴酒晨光初  
昇祥徵應候何以侑觴樂陳雅奏

亞獻

我祀維何奉茲犧牲爰酌醴齊二觴再升洋洋  
如在式燕以寧庶表微衷交于

神明

終獻

執事有嚴品物斯祭黍稷非馨式將其意薦茲



酒醴成我常祀。

神其顧歆永言樂只

徹饌

春祈秋報率爲我民我民之生賴于爾

神維神佑之康寧是臻祭祀云畢神其樂歆

送神

三獻禮終九成樂作神人以和既燕且樂雲車

風馭

靈光昭灼瞻望以思邈彼寥廓

望燎

俎豆既徹禮樂已終

神之雲旋倏將焉從以望以燎庶幾感通時和歲

豐惟

神之功

永樂中。正殿增  
黑色。加爵位各一

大房山一壇陳設同。常用

嘉靖十年更定儀

一前期二日太常寺官奏祭祀太常卿同先祿

卿奏省牲如常儀

諭百官致齋二日

一前期一日

上親填祝版于

文華殿遂告于

廟。告辭曰。

孝玄孫嗣皇帝御名明日出往

神祇壇行秋祭禮。詣

祖宗列聖帝后神位前恭預告

知遣官則否

一陳設

天神壇

雲師一壇

兩師一壇

風伯一壇

雷師一壇

俱南向

每壇

犢一

羊一

豕一

豢一

鉶二

簠簋各二

蓬豆各十

爵三

酒盞二十

共設酒尊四。帛一。篚一。祝案一

地祇壇

五嶽一壇

帛五

五鎮一壇

帛五

五山一壇

帛五

四海一壇

帛四

四瀆一壇

俱北向

帛四

京畿山川一壇

西向

帛二

牲五

天下山川一壇

東向

帛二

牲五

籩豆俱同

一正祭是日昧爽

上具翼善冠黃袍御奉天門太常卿奏請詣

神祇壇

上陞輦鹵簿導從由

先農壇東門入至齋宮更皮弁服詣

天神壇典儀唱樂舞生就位。執事官各司其事。內贊導。

上至御拜位。典儀唱迎神。樂作。導。

上陞壇三上香訖復位。樂止。奏兩拜。傳贊百官同典儀唱。

奠帛。行初獻禮。樂作。執事者捧帛爵于

神位前跪奠訖。樂暫止。奏跪。

上跪。

傳贊衆官皆跪

讀祝訖。樂復作。奏俯伏興平身。傳贊樂

止。行亞獻禮。樂作。執事者捧爵跪奠于

神位前。樂止。行終獻禮。樂作。

儀同亞獻

樂止。太常卿唱。

答福胙。內贊奏跪。

上飲福受胙訖。俯伏。興。傳贊同典儀唱徹饌。樂作。樂止。

唱送神。樂作。內贊奏兩拜。傳贊同樂止。典儀唱讀

祝官捧祝。掌祭官捧帛。饌各詣燎位。樂作。捧祝

帛饌官過

御前奏禮畢。內贊對引官復等

上至

地祇壇御拜位。典儀唱瘞毛血迎神。內贊導

上陞壇至

五嶽香案前。三上香。五鎮以下俱大臣上禮畢。香以後行禮俱同前。

上易服還詣

廟參拜致辭曰

孝玄孫嗣皇帝御名祭

雲雨風雷嶽鎮海瀆等神回還恭詣

祖宗列聖帝后神位前謹用

參拜參畢還官

地祇壇上香大臣儀注典儀唱迎神執事官導引

各官由東西級上詣各壇香案前內贊奏拈香

齊拈

奏上香

齊上

奏出圭

齊出

奏復位

齊復

照

前序立

餘同前儀

一祝文



天神壇

維嘉靖 年歲次 月 朔 日

嗣天子御名致祭于

雲師之神。

雨師之神。

風伯之神。

雷師之神。惟

神職司雲雨。興布風雷。贊輔

上帝。功施生民。今農事告成。以牲醴庶品菲帛之儀

用修報祀。惟

神鑒之尚

享

地祇壇

維年月日

嗣天子御名致祭于

五嶽之神。

五鎮之神。

基運山之神。

翔聖山之神。

神烈山之神。

天壽山之神。

純德山之神。

四海之神。

四瀆之神。

京畿天下山川之神。惟

神鍾靈毓秀。主鎮一方。衆贊

大化。功被於民。今農事既成。以牲帛醴齊之儀。用修

報祭。

神其歆哉。尚

享

天神壇

迎神

保和之曲

吉日良辰。祀典式陳。景雲甘雨。風雷之神。赫赫其靈。功著生民。參贊

元化。宣布

蒼仁。爰茲報祀。鑒斯藻蘋

奠帛

以後俱仍舊

地祇壇

迎神


保和之曲


吉日良辰。祀典式陳。靈嶽方鎮。海瀆之神。京畿  
四方。山澤羣真。毓靈分隅。福我生民。薦斯享報。  
鑒我恭寅。

奠帛


以後俱仍舊

山川壇總圖






山川壇祭祀圖



平定


官建






神祇壇總圖


天神壇




地祇壇




# 天神壇祭祀圖






# 天神壇陳設圖






盆




火




銅




豆




# 池祇壇祭祀圖











# 地祇壇陳設圖





豆

豆



炆



太歲月將

嘉靖八年定

一前期十日太常寺請

命大臣一員行禮

一前期三日太常寺奏祭祀如常儀

一陳設

太歲神位

犢一

羊一

豕一

豎一

鉶二

簠簋各二

籩豆各十

爵三

酒盞三十

尊三

帛一

篚一

兩廡月將共四壇 每壇

犢一

羊一

豕一

豕一

鉶一

簠簋各二

籩豆各十

爵三

酒盞三十

尊三

帛三

篚一

一正祭典儀唱樂舞生就位執事官各司其事  
贊引贊就位典儀唱迎神奏樂樂止贊兩拜典  
儀唱奠帛行初獻禮奏樂執事官捧帛爵詣  
各神位前奠訖樂暫止贊引贊跪典儀唱讀祝讀

訖樂復作贊俯伏興平身樂止典儀唱行亞獻

禮奏樂

儀同初獻作不獻帛讀祝

樂止典儀唱行終獻禮奏

樂

儀同亞獻

樂止掌祭官西向立唱賜福胙執事官

捧福酒跪進于遣官右贊跪搢笏贊飲福酒訖

執事官捧福胙跪進于遣官右贊受胙訖贊出

笏贊俯伏興平身贊兩拜典儀唱徹饌奏樂樂

止典儀唱送神奏樂贊兩拜樂止典儀唱讀祝

官捧祝掌祭官捧帛饌各詣燎位奏樂捧祝帛

饌官過遣官前訖替禮畢

一祝文

維嘉靖 年 月 日

皇帝遣某官某致祭于

某甲太歲之神。

四季月將之神。

時維孟春。于新歲序。惟時暮歲。行屆新春。

特用遣祭。以

牲帛庶品之儀。

神其歆此

祭

誠。敷佑康吉。尚

享

一樂章

迎神

吉日良辰。祀典式陳。國佑民。


太歲尊神四時月將功曹司辰濯濯厥靈昭鑒我  
心以候以迎來格來歆

奠帛

以後俱與神祇壇同



太歲月將壇陳設圖





銅



簋





豆



陳

同



大明會典卷之八十五